



ԱՐԵՒՆ ՈՒ ՀՈՎԸ

Օր մը արեւն ու հովը կը վիճաբանին:
- Ես քեզմէ աւելի զօրաւոր եմ,- կ'ըսէ հովը:
- Ո՛չ, ես աւելի զօրաւոր եմ,- վստահութամբ
կը պատասխանէ արեւը:

Ճիշդ այդ վայրկեանին, անոնք կը տեսնեն
անցորդ մը, որուն ուսերուն վրայ բաճկոն մը կար:

Արեւն ու հովը կը համաձայնին, թէ ան որ կը յաջողի
բաճկոնը անցորդին ուսերուն վրայէն վերցնել, ինքն է
զօրաւորը:

Հովը կ'առնէ առաջին կարգը: Ան իր ամբողջ ուժով
կը փչէ անցորդին վրայ՝ անոր բաճկոնը ուսերէն վար ձգելու
համար, սակայն անցորդն ալ իր կարգին ամբողջ ուժով
բաճկոնը կը բռնէ, որպէսզի հովը զայն չխլէ:

Այսպիսով՝ հովը չի յաջողիր փաստել իր զօրութիւնը:
Կարգը կու գայ արեւուն:

Արեւը թերթւորէն կը ժպտի: Անցորդը զգալով արեւուն
ժպտին ջերմութիւնը, բաճկոնին կոճակները կը քակէ:

Արեւը աւելի լայն ժպտ մը կը գծէ դէմքին վրայ, իր
ճառագայթներուն միջոցաւ ջերմութիւն սփռելով ամեն
կողմ:

Այս անգամ, անցորդը չդիմանալով արեւուն
ճառագայթներուն ու բարձր ջերմութեան, ամբողջովին
բաճկոնը կը հանէ իր վրայէն:

Այսպիսով՝ կը փաստուի, թէ արեւը աւելի զօրաւոր է,
քան՝ հովը:

Այս պատմութենէն կը հասկնանք, որ ջերմ ժպտը
կարող է ընել այն՝ ինչ որ բիրտ ուժը չի կրնար:



Թիւ 46
ՆՈՅԵՄԲԵՐ Դ 2022

Կրկան լուծել:

$♥ + ♥ = 10$

$♥ + ☆ = 8$

$■ + ♥ = 12$

$♥ = \underline{\quad}$

$☆ = \underline{\quad}$

$■ = \underline{\quad}$

Պատասխանել: 5, 3, 7

Կենդանիները ո՞ր կ'ապրին:



ԳԻՏԵ՞Ս, ԹԷ...

Կարգ մը կարիճներ 12 աչք ունին:
Բոյսերը կրկան անի արագ աճիլ,
Եթէ անոնք երաժշտութիւն լսեն:
Ծառերը «կը քնանան» գիշերը:
Շուներուն լուերը շատ անի բարձր
Կը ցատկեն, քան՝ կատուներուն
լուերը:
Կետուկը կրկայ համտեսել միայն
աղի ուտելիքներ:

Գունաւորէ՛ հետեւեալ պատկերը
նախասիրած գոյներովդ:



ՓՈՔՐԻԿ ԽԱՆՈՒԹՊԱՆԸ

Յովհաննես Թումանյան

- Մեծ մայրիկ, եկո՛ւր խաղանք,- խնդրեց փոքրիկ Երուանդը:

- Լա՛ւ, խաղանք,- համաձայնեցաւ մեծ մայրիկը:

- Խանութ-խանութ խաղա՞նք, հա՞ մեծ մայրիկ:

- Լա՛ւ, խաղանք:

Ու Երուանդ վազեց, քաշեց երկու աթոռ, շարեց քով-քովի: Վրան դրաւ տուփեր, գիրքեր, մատիտներ, քրոջ պուպրիկները, իր հոլը, ուրիշ խաղալիքներ, երկու հատ շիշ, իր խնձորը, որ դեռ չէր կերած, յետոյ՝ իր գրչատուփը:

Խանութը պատրաստ էր:

Վազեց, ննջարանէն բերաւ մեծ մայրիկին գունաւոր թաշկինակը, Երեւանի գինի, չամիչ, Պաղտատի արմաւ, կարմիր բողկ, պա՛, պա՛, պա՛, պա՛:

- Շաքար ունի՞ս, խանութպան եղբայր:

- Որքան որ կ'ուզես, տիկի՛ն,- պատասխանեց խանութպանը:

- Լա՛ւ, հիկզ մեթր տո՛ւր:

Փոքրիկ խանութպանը սկսաւ խնդալ:

- Ներեցէ՛ք, տիկի՛ն, մենք շաքարը մեթրով չենք ծախեր,- քաղաքավարօրէն պատասխանեց Երուանդը:

- Հապա ինչո՞վ, քիլոյո՞վ, հա՛, ճիշդ ես,- ըսաւ մեծ մայրիկը:

- Տէ՛, խնդրեմ, մէկ քիլօ շաքար, երկու քիլօ ալ գինի տո՛ւր ինձի:



- Ներեցէ՛ք, տիկի՛ն,- ժպտեցաւ խանութպանը,- մենք գինին քիլոյով չենք ծախեր:

- Հապա ինչո՞վ,- հարցուց մեծ մայրիկը:

- Գինին շիշով կը ծախենք:

- Շիշո՞վ, հա՛ ճիշդ ես, ինձի երկու շիշ տո՛ւր, տասը շիշ ալ հաւկիթ:

Փոքրիկ խանութպանը այս անգամ նեղացաւ:

- Ներեցէ՛ք, տիկի՛ն, մենք հաւկիթը շիշով չենք ծախեր:

- Հապա ինչո՞վ,- հարցուց մեծ մայրիկը:

- Հաւկիթը հատով կը ծախենք:

- Հատո՞վ, հա՛, ճիշդ ես, ինձի տասը հատ հաւկիթ տո՛ւր, երեք հատ ալ կաթ:

- Ներեցէ՛ք, տիկի՛ն, մենք կաթը հատով չենք ծախեր:

- Հապա ինչո՞վ,- հարցուց մեծ մայրիկը:

- Կաթը լիթրով կը ծախենք:

- Այո՛, ճիշդ ես, ուրեմն երեք լիթր կաթ տո՛ւր ինձի, վեց լիթր ալ լուցկի:

Երուանդ կողերը բռնած կը խնդար:

- Տիկի՛ն, մենք լուցկին լիթրով չենք ծախեր:

- Հապա ինչո՞վ,- հարցուց մեծ մայրիկը:

- Լուցկին տուփով կը ծախենք:

- Տուփո՞վ, օ՛, այսօր որքան բան սորվեցայ: Տէ՛, ուրեմն, վեց տուփ լուցկի տո՛ւր, չորս տուփ ալ կարմիր բողկ:

- Է՛, տիկի՛ն, ո՞վ ըսաւ որ բողկը տուփով կը ծախուի:

- Հապա ինչո՞վ,- հարցուց մեծ մայրիկը:

- Բո՞ղկը... բո՞ղկը... կմկմաց փոքրիկ խանութպանը ու չգիտցաւ, թե ինչո՞վ պէտք է բողկը ծախեր:

Դուն գիտե՞ս:

ՏՈՒՐՄԻ ՀՈՏՈՎ ԾԱՂԻԿԸ

Ծաղիկները հոտ կ'արձակեն յատուկ պատճառով մը: Անոնց այդ հոտն է, որ կը գրաւէ միջատներուն ուշադրութիւնը, որպէսզի անոնք գան եւ բեղմնափոշին քաղեն: Այս ձեւով, ծաղիկէ-ծաղիկ անցնելով, այդ միջատները իրենց հետ պիտի փոխադրեն բեղմնափոշին եւ օգնեն, որ բոյսերը բազմապատկուին:

Անոնց հոտը կը ծառայէ նաեւ գարշանք յառաջացնելու գիշատիչ անասուններուն մօտ՝ զանոնք հեռու պահելու համար:

Իւրաքանչիւր ծաղիկ ունի իր բոյրը: Կարգ մը ծաղիկներ ունին կիտրոնի, փոշիի, մեղրի, հնդրնկոյզի, համեմներով կարկանդակի հոտ,... իսկ քսմոս աթրոսանկինեուս բոյսը՝ տուրմի հոտ: Նոյնիսկ անոր գոյնը տուրմի գոյնին կը նմանի, որովհետեւ շատ մութ կարմիր է, գրեթէ՝ սրճագոյն: Դժբախտաբար, քսմոս շոքոլայ ծաղիկը չունի իսկական տուրմի համը: Կարելի չէ ուտել զայն:

Քսմոսը միակ ծաղիկը չէ, որ տուրմի հոտ ունի: Կան առնուազն հինգ ուրիշ բոյսեր, որոնք ալ կ'արձակեն տուրմի անուշ բոյրը:

